

آنردن درس آلمانی خاطر مه کلدی . واقعا بریکیلر اولدقجه قارتدر . فقط عقلی کورکیلی فنان شیردر ... هرکس کندینه یاقشدره بیله جکی یری بولوبده جمیعترنده ترتیب منطقی وحضور مادی ومعنوی حاصل اولور اولماز کندینی بکشدرمه نامنه نه کبی چاره لر دوشونوب یابدقلرینی آکلایوب قزلرمزه خبر ویره جکم .. بو چاره لر شمیدی به قدر کورلمش شیردن اولیه جق . شونی علاوه ایدیم که تنسیقات وامثالی دوزگونلرک ترکیبی مضرمواددن اولمق حسیبیه کرکدن امراری تحت ممنوعیته آلتدیغندن یوزی کوزل کوسستریجی مرکبات جدیدیه مطلع اوله جغمی قویاً امید ایدمیلورم .

بر قزل طوبراقلی

### اجال داخلی

روملره ارمنیلر - روملره بلغارلر - بلدییه و مبعوثان انتخاباتی - درسده شقاوت -

میللی عشیرتی رئیس ابراهیم - احوال مالییه من - تعطیل اشغاللر -

اتحاد وترقی جمعیتک سیاسی پروغرامی .

استانبول ، ۱۵ ایلول ۳۳۴

انقلاب عثمانیک ده ایلک کونلرنده روملرک ارمنیلره وبلغارلره قارشو ایلدقاری وضعیت حب ودان و محالصلته متمیز کورنمیدیکی حالده عاقبت احواله انتظاراً شونندن بحث ایتمامشیدیم . فقط بوکون روملر ، ترکلرک کرک ارمنیلر کرک بلغارلر حقننده ابراز ایلدکلری مآثر علو جنبه اشتراک شرفندن کندی کندیلرینی محروم ایلمش اولدقلرینی قید واششعاره مجبورم . ارمنیلره ترکلر ارسنده وجوده کل منافرت عناصر اصلیه حیاتی ارمنی صیرتنده تعیش ایتمک ایستمن برفرقه اشقیانک وصف شقاوته لیاقتده اندن اشاغی قالمین بر طاقم اجالاف مأمورینک افغاننده بوله رق صورت ظاهرده دیندار حقیقتده ریاکار اولان اداره سابقه ارکانک همت ردیه سیله توسع ایلدکجه ایلمش ؛ ارمنیلره متعلق صحیح وکاذب ، مهم وعادی هر حال وحرکت تحت عثمانی ونامیت ملکیه دولت علیه بر قصد وملتعت شکننده کوستریلوب غایت مخاطره لی برارمنی مسأله سی

ابداع ایدلمش و آتارشیست اوجاقلرنده بیلیری طوتوشان برقاج افراط پرستک تشویق و تحریکله استانبولده اختلالات وقوع بولمسی اوزرینه ترك عنصری نفسی مدافعه و بومباه صوبه ، قورشونه دکنکه مقابله حالنده بولمش ایکن ابتدای امرده یعنی استانبولده اعلان حرقی متعاقباً ارمنی بطریقخانه سنه کیدوبده ماسلفک نه درجه لرده غلطات فهم ایله مالی اولدیغنی اکلاتان و پک کبارانه اعاده مصافاة ومؤاخاة ایلمن فرقه لرك رهبر و ساققاری ترکار اولمشدر . بو تشبهنده بر بسوك برادرک - باعث نفاق اولان اسباب اجنبیه یی اره دن جیقاردقن صوکره ک کوچک قرداشه توجه و تمایلنک مثال بلیغ و بلندی کورمامک ؛ عنصر غالبه منسوبیت نه قولاً نه ده فعلاً اظهار و ایما ایدلماش اولدیغنه دقت ایتمامک و سربستی و مشروطیت مز ترک غیری بر فرد انسنده بولنمیان بر ایکی یوزبیک سونکو سایه سنده استحصال ایدلکی اعتراف ایلمامک بدهاقتن بجاهل ، بصیرتن تباعد و حقانیتدن عدول اولورکه بز شو حالات قبیحه یی روم و طنداشلر مز ایچنده انجق اسافل و ادانی مقوله سنندن برقاج کشی به عطف و اسناد ایده بیلیرز . دیگر جهندن اغتشاشات اخیره اثناسنده کرک بلغارستان و شرقی روم ایلیده و کرک روم ایلی ولایتلرنده سهام غدر و اعتسافک هدفلری یالکیز روملر دکلدی . یونان چتله لی اراضی عثمانیه یی بنسه یه رک روم مظلومینک ثاری آزچوق آلمقده ایدیلر . ترکار ایسه قومیه جی ، چته جی دکلردی . واقعا عسکر مز واردی ؛ فقط تأمین آسایشه طوغری هر آدینه ، هر حرکت مشروعه سنه سوء معنا و بریله رک اوروپاده ولوله لر قوباریا بور ، اردونک وظائفی اشکال ایدیلیوردی . افراد عسکریه نک بر قسمی اوروپا منافعه یوزلرله کیلومتره ک خطوط حدیده نک خطوه بخطوه نکهبانی اولمق کبی دنیاده کورلماش بر خدمت کران آلتنده ازیلوب ایکلیوردی ؛ یانیوردی ، طونیوردی ، اولیوردی ... بز بونلری اونوتدق ...

۱۱ تموزدن صوکره بروضه خلوص و صداقتله ترکار جهته متوجه و عازم اولان بلغارلر ترکارده یومروق دکل ، آغوش قبول و محبت بولدیلر . سوزلری دیکلده ، تأویلارینه تأویل دیمک . علوخصلتک ، ولو برمدتله مقید ارلسون منافع سیاسیه

مملکتی ادراک و ایفا کننده سرعت و اصابتک بویله یوکسک در جاتی ترککر کوستردی . بز روم قرداشلرمزدن عینی معامله جیله بی کورمک ایسترز و قوم قیوده ارمستان بایراغی اچیلوب ارمیلرک ینه دعوای استقلال ایله قیام ایلدکاری ، روم ایلیده جاججا بلغار تجاوزاتی وقوع بولدیغی ، امارنک حرب حاضر لقلری کوردیکی وامشالی کبی اختراعات و اشاعات مضربه آرتق نهایت ویریله جکنی واستانبولده بلغار زوارینی اوتلله ، لوقطه لره قبول اتمامک ، غازیونده بیرا یرینه سرکه ویرمک ، شوراده بوراده تخمیراتی طایق مرتبه لرینه وازدیرمق مثللو حادثات مؤسفه نک تکرر اتمیه جکنی امید ایلرز . بلغار مسافر لرمزه شومعاملاتی روا کورنلرک روم ملتئ ایچنده پک عادی آدملر اولدیغنی بیلیمکله متسلی یز .

\* . داخلی ایش نامنه نه بیوک بریغین قارشوسنده یز ! اک زیاده استعجال ایله کوریله جک ایشلر ، کرک بلدییه کرک مبعوثان انتخابی اک او یانیق اک فکرلی یرلرده بیله آغیر ، قاریشیق کیدیور . مملکتک قیلرندن ، بو جاقلرندن تشرین ثانی ابتداسنده مبعوثلر یتیشه بیلمسی شهلی . اغلب احتمالله کوره مجلس ایلک دوره اجتماعنده تام اوله رق تشکل ایدمه جک . بز بو حواله باقوبده نومید اولیورز . بیلورز که الی عصردن برو مشروطیت نه در فعلاً بیلمامش ، اغتشاشات اداره دن قورتولمامش بر مملکت فسیحیه وظائف حقیقیه سی اوج بش کونده ادراک ایتدیریله مز .

\* . درسم شقاوت ایچنده . درسم هیچ بروقت آسوده اولمدی که اداره مشرو . ظه نک اعلاننده اولیه اولسون ! قویاً امید ایدهرز که حکومت مشروطه او حوالیده تأسس ایدمه ماش اولان انضباطی تأسیس و تقریر ایلر . بزه قالیسه اشقیایه تحصنکاه اولان اورمانلری یاقدجقه درسم حوالیسنده آمایش تقرر ایدمه مز .

\* . میلی عشیرتی رئیس ابراهیم - که لایق اولمدی صفت عسکریه بی میرلوالق و تبه سنده احراز و ادراک ایتمش بر رئیس اشقیادر - غلبه لک بر معیتله « ویران شهر » تحصن ایدرک حکومته سلاح چویر مشدر . اداره زائله ارکانی بو حریفی

شیار تدقیه شیارتشیدی. ابراهیم آناطولیده کی ارنیلره مجاوزات و تعدیاتیله افکار سابقه‌نی دردنجی اردو مشیر سابق ذکی پاشا قدر بسار، بر طرفدن بوراده کی طمعکاری اطماع ایدر، بر طرفندن ده‌کنیدی تعیش و تمول ایلر؛ فقط ارده صره جبلت و ماهیت ردئیسه‌نی چولده نامه خطبه اوقوتیق کی صورتلرده کوسترمکدن خالی قالمزیدی. میلی نك اوزربنه سوق اولنان عسکره ابراهیمک علیهنده اولان افراد عشایر رفاقت ایدیور. ابراهیمک ازاله وجودی، رفع عصیان و شقاوتی درسم شقاوتی سوندر مکدن کوچ دکدر. نته‌کیم شمدی اوقود یغ اوراق حواده مرقومک بش کون اول عساکر عثمانیه اباه وقوعبولان مصادمهده مقتول دوشدیک و بشیک راده‌سندده اولان عونهنک تسلیم سلاحه آماده اولدینی زوجه و مخدومی طرفندن مقام صدارته کشیده قلنان تاغر افدن مستبان اولمشدر.

بو شقاوتلرک تنکیلی حکومته پک بهالی‌یه مال اولیور. حال بوکه پاره مز یوق دینه‌جک قدر قیتدر. ولایاتده تحصیلات بر دوره بحران کچیریور. مع‌التأسف بو دفعه دخی - انشاءالله بو صوک دفعه‌در - مضر شرائطله عثمانی باقیه‌سیله عقد ایتدیکمز اوفاق بر استقراضک محصولی آنحق استانبولک بر ایکی معاشنی تأمین ایتدکدن صوکرده طشریه فقط نسبة جزوی مبالغ ارساله بزى اقدار ایده‌بیلیور.

ذات شاهانه سنوی ایرادی درت یوز بیك لیرا طوتان بعض املاکنی خزینه‌یه بر اقدی. املاک شاهانه مأمورلری پک فضله غیرتلر کوستریرلردی. بونلرک فضله غیرتلیله درکه املاک سنیه شهسز رضای پادشاهی خلافتیه اوله‌رق اطرافنی بلع ایده ایده حکومتلر بازیندره‌جق مقیاسده توسع ایتدیرلشدر.

ذات ملوکانه نك جداً پدرا نه و شاهانه اولان بو کچی معاوناتی ملت عظیم بر حسن شکران ایله تلقی ایدر.

\* مملکتک و علی‌الخصوص بایتحک احوال اقتصادیه‌سی آجینه‌جق بر حالده‌در بر از فضله تمادی ایدن نمایشلر معاملات تجاریه‌نی توقفه اوغراندی. نمایشلر بیتر بیتر اهمیتلی تعطیل اشغاللر یوز کوستردی که تجارتیه ضربه‌سی شو زمانده.

مهمسه مامك محض غفلتدر . آناطولی شمندوفر مأمورلری ایلک برنجی ،  
ایکنجی و اوچنجی کونلری ایش کورمدیلر . باشلوجهرلی معاشانک تزییدی ،  
مدت اشغالک تحدیدی ، بعض مأمورینه ویریلان فوق العاده اکرامیه لارک  
تعمیمی ماده لری اولان مطالب شرکت طرفندن قبول اولنسی اوزرینه تعطیل  
اشغاله نهایت ویرلدی ، شو ایتلاف نه قدر دوام ایدجک؟ شمذیلک بیلیمورز .  
فقط بوستوالی ایراد ایتهدن کچه میورز . — بوغردو بیتریتمز شرق شمندوفرلری  
مأمورلری ایشلرینی ترک ایتدیلر ( ۵ ایلول ) . بونلرک تعطیل اشغالی ده اوچ  
کون سوردی . ایستدکلری یومیه و آیلقلرک آرتدیرلمسی ایدی . انلرک شرکتلری ده  
بومطالبی قبول ایتدی . وترنر ایشلمکه باشلادی ( ۸ یلول ) . شو تعطیل  
اشغال بهانه سیله بلغار حکومتی خطک بلغار طیراغندکی قسمی افراد عسکره سته  
تودیع ایتمش وایشلمکه باشلامشیدی . غرو و ختام بولیدنی حالده امارت بوخطک  
قومپانیه انده قلمسنی منافعه مغایر کوردیکنی و بعض مطالبی اسعاف اولندینی  
حالده رد ایتیه جکنی سوبله مش و نهایت خطک بلغار حکومتیه صاتامسنی قطعاً  
تکلیف ایتمشدر . بلغار حکومتک شو مسلکده نه کبی منافع بکلدیکنی تقدیردن  
عاجرز . . .

صوک اجمالزک تاریخ تحریری ارلان ۲۵ اغتوسدن بوکونه قدر وقوعه کلن  
حادثات ایچنده اتحاد و ترقی جمعیتک حال حاضره موافق صورتده تشکیلاتنه  
تثبت ایلمسی و برسیاسی پروگرام نشر ایتیمی شایان نظر اهمیتدر . جمعیت  
ترتیباتی اک زیاده انقلابک حصولنی تأمین نقطه سته توجیه ایتمش و کندینی  
تهلکیه القا ایتامک ایچون بالعموم اعضاسنی یکدیگرینه طانتیموب فقط بیلایشنلر  
محدودالعدد قللمش ایدی . جمعیتک اظهار موجودیت ایتیمی و بوموجودیتک طانمسی  
ووظائف حالیه و مستقبلیه تشکیلاتنک تدریجی انتاج ایتک ضروری و خواهشله  
منتظریدی . ۲۱ بندی شامل اولان پروگرامنک اک مهم نقاطی آرای ملیه نک  
رحمان نفوذنی تأمیناً وکلانک بمعونان حضورنده صورت مطلقه ده مسئولیتی و اکثریت  
قزائماق حالنده سقوطی . اعیانک قسماً مات طرفندن مدتله انتخابی ، معوث

اتحانی حقنك ملك و ثروت صاحبي اولسون اولسون يكرمی ياشنی بيترن هر عثمانلی به تشعيلي ( حقوق مدنيه دن ساقط اولانلر مستثنی )، جمعيات سياسيه نك سربستی، تشكلك قانون اساسيده تصريحی، قانون اساسينك ۱۱۳ نجی ماده سنك صوك فتره مضره سنك طی و اخراجی و اوصاف مطوبه بی حائر هر عثمانلینك بالكر مملكتدن دكل فقط هر بدن كندینی مبعوث انتخاب ایتدیره بیلمی ماده لریدر.

ابن الضیا

## اجال خارجی

كوچك بر سیولجه نك وخیم، مهلك بر عملیه بی مستلزم بر یاره حالی آلمسی قیلندن اوله رق، بلغارستان قبوكتخداسی كشوفك ضیافته چاغیرلما می، شرق تیمور یوللری مستخدمینك ترك اشغال ایتلری کیفیتلری ده شرقی روم ایلی ایله بلغارستان جهتنده کی خط قسمك بلغارستان امارتی طرفندن ضبطی کی بر غائله به میدان آچشدرد. لکن عجیبو ایکی حادثه ظهور ایتسه ایلی بلغارستان ایله اولان مناسباتمز حسن حاله قاله جق، بر محور اخلاص و محادنت اوزرنده جریان و دوران ایده جكمی ایلی؟ اشته اك زیاده تدقیق و تأمله محتاج اولان نقطه بوراسیدر. بو باده بر فکر و مطالعه بیان ایده بیلمك ایچون بلغارستانك فصل تشكك ایتدیكنی ده صكره شرقی روم ایلی بی نه صورته اله كچیردیكنی، روم ایلی ولایاتنده سنه لردنبرو نه کی تدویرات و اغوا آنده بولندیغنی، بلغارلرك افساداتی میدانده ایكن اوروبا طرفندن نه درجه لرده شمارتدقلرینی دوشونمك و صكره ده مشروطیت عثمانیه نك افق سیاست و موجودیتزده نه قدر شعله بار بر استقبال آچدیغنی تأمل ایتك كافیدر. بلغارستان عصیان سایه سنده طوغمش عصیان سایه سنده بیومش بر مملكتدر و بوماسبقلردن جرأت الدیغنی ایچون ینه عصیان سایه سنده توسع ایتك میالدر. اشته كشوف مسئله سنی بهانه ایدرك اعلان استقلاله، و ترك اشغال بهانه سیله خطی ضبطه قیام ایتمی ده بو اعتیادات سرکشانه سی جمله سنندرد.